

太陽傷風方

太陽兩傷方

太陽傷寒方

尚論篇

卷五

尚論後篇卷之三諸方目錄

太陽傷風諸方 計十五方除重

太陽傷寒方 計三十九方除重附

太陽兩傷方 計十方除重

命

尚論張仲景傷寒論太陽本經諸方脉症後四卷之三

西昌喻昌嘉言甫著

尚論諸方大意

仲景一百一十三方。用本草九十一種耳。仲景上溯神農
本經藥三百六十五種。效法周天三百六十五度之數。應
三才而合四時。妙義開天也。仲景取述神農本經藥品總
九十一種。入傷寒論中。輔相裁成。有合六經之大綱者。有
合六經之一目者。蓋神農百病兼收。而仲景則由六經以
例百病。所以於上古本經取裁九十一種。用之不盡。萬世
而後。星日炳然。聖之又聖者矣。梁陶隱君別錄。篇之爲七

尚論後篇卷之三諸方目錄

太陽傷風諸方 計十五方除重

太陽傷寒方 計三十九方除重附

太陽兩傷方 計十方除重

論

尚論張仲景傷寒論太陽本經諸方脉症後四卷之三

西昌喻昌嘉言甫著

尚論諸方大意

仲景一百一十三方。用本草九十一種耳。仲景上溯神農本經藥三百六十五種。效法周天三百六十五度之數。應三才而合四時。妙義開天也。仲景取述神農本經藥品。總九十一種。入傷寒論中。輔相裁成。有合六經之大綱者。有合六經之一目者。蓋神農百病兼收。而仲景則由六經以例百病。所以於上古本經。取裁九十一種。用之不盡。萬世而後。星日炳然。聖之又聖者矣。梁陶隱君別錄。籠之爲七。

百三十種。追唐本圖經證類。嘉佑政和旁搜編錄。於是旁
門捷徑。各自成名者多矣。而仲景宮牆生色。間出英賢數
十輩。尤爲不孤。識大識小。總計一千七百四十六種。病雖百病
葉無纖漏。天下後世永賴焉。然一千七百四十六種。仲景
顯現億兆。如同一日。昭式乃至。漸推漸廣。觀察盡矣。
九十七種。賢哲挺生。莫識厥旨。昌也。晚進無識。手集神農
本經。竊以傷寒論中藥品爲主。其晉唐以後。諸賢發掘傷
寒論全方。有得者亦一一錄出。而昌亦少步尚論諸方之
後。總欲門下好學。隨證問藥。一目瞭然。無檢書之苦。難是
慰耳。

太陽經風傷衛方

辨申風證用桂枝湯解肌大綱總法

桂枝湯方

桂枝

三兩去皮
味辛熱

芍藥

三兩
味苦酸微寒

甘草

二兩炙
味甘平

生薑

三兩切
味辛溫

大棗

十二枚
味甘溫

右五味。以水七升。微火煮取三升。去滓。適寒溫。服一升。

服已。須臾。飲熱稀粥一升餘。以助藥力。溫覆令一時許。遍身

漖漖微似有汗者。益佳。不可令如水淋漓。病必不除。若一服

汗出病差。停後服。不必盡劑。若不汗。更服。依前法。又不汗。後

服小促。役其間。半日許。令三服盡。若病重者。一日一夜服。周

時觀之。服一劑。盡病證猶在者。更作服。若汗不出者。乃服至

二三劑禁生冷粘滑肉麪五辛酒酪臭惡等物

太陽中風陽浮而陰弱陽浮者熱自發陰弱者汗自出黃芩惡寒漸惡風翁翁發熱宜桂枝湯仲景原文

風之傷人也頭先受之故令頭痛風在表則表寔故令發熱風爲陽氣亦爲陽氣同類相從則傷衛外之氣衛傷則無以固衛津液故令汗出其惡風者衛氣不能衛也其脈緩者衛氣不能鼓也上件皆太陽症故曰太陽中風桂枝辛甘辛則能解甘則能寔表內經曰辛甘發散爲陽故用之以治風然恐其走泄陰氣故用芍藥之酸以收之佐以生薑甘草大棗此發散而兼和裏之意是方也惟表邪可以用之若陽邪去

表入裏。裏作燥渴。二便秘結。此宜承氣之時也。而誤用之則反矣。昌按承氣之誤。庸者固然。而工者誤在微細。仲景諄切不似此項。逐條本文詳玩始獲。

凡桂枝湯病症者。常自汗出。小便不數。手足溫。和。或手足指梢露之。則微冷。覆之。則溫。渾身熱微煩。而又憎寒。始可行之。若病者無汗。小便不數。手足溫。和。或手足逆。身冷不惡寒。反惡熱。或飲酒後。慎不可行。桂枝湯也。脈緊必無汗。有汗不可誤作桂枝症。此脈與證。仲景說得甚明。後人看不透。所以不敢用此方。假令寸口脈微。名曰陽不足。陰氣上入陽中。則酒漸惡寒也。尺脈弱。名曰陰不足。陽氣下陷。入陰中。則發熱也。

此謂元氣受病而然也。又曰：陽微則惡寒，陰微則發熱。醫既汗之，使陽氣微，又大下之，令陰氣弱。此謂醫所使也。大抵陰不足，陽往從之，故陽內陷而發熱；陽不足，陰往乘之，故陰上入陽中，則惡寒。舉此二端，明白易曉，何憚而不用桂枝湯哉？仲景治表虛，製此湯。桂枝味辛，熱發散，助陽體輕，本乎天者親上，故桂枝爲君。芍藥甘草佐之，如陽脈濇，陰脈弦，腹中急痛，乃製小建中湯，以芍藥爲君，桂枝甘草佐之。一則治其表虛，一則治其裏虛，故各有主用也。

以桂枝易肉桂，治傷寒腹痛，神品藥也。如夏中執腹疼，少加黃芩，去桂，痛立止。桂於春夏爲禁藥。

按經云桂枝入咽陽盛則斃春夏發者爲禁藥也桂能動血血熱者爲禁藥也木得桂而死肝不足者爲禁藥也

桂枝湯有禁用三法

仲景本文并昌論

中風病主用桂枝湯解肌和營衛七法

本文并昌論

汗後水氣上逆有禁更汗增滿一法

本文并昌論

或問桂枝湯發字之義曰一桂枝耳或云發汗或云當得汗

解或云當發汗更發汗宜桂枝湯者數方是用桂枝發汗也

復云無汗不得用桂枝又曰汗家不得重發汗又曰發汗過

多者都用桂枝甘草湯是開汗也一藥二用如何說得仲景

發汗與本草出汗之義相通爲一答曰本草云桂味辛其熱

無毒爲百藥之長。通血脈。止煩出汗者。是調血而汗自出也。
仲景云。藏無他病。發熱自汗者。此衛氣不和也。又曰。自汗者。
爲營氣和。營氣和則外不諧。以衛氣不與營氣和諧也。營氣
和則愈。故皆用桂枝湯調和營衛。營衛和則汗自出也。風邪
由此而解。非桂枝能於腠理發出汗也。以其固閉營血。衛氣
自和。邪無容地而出矣。其是則閉汗孔也。昧者不解閉汗之
意。凡是病者。俱用桂枝湯發汗。若與中風自汗者。合効如桴
鼓。因見其取效而病愈。則曰此桂枝發出汗也。遂不問傷寒
無汗者。亦與桂枝湯誤之甚矣。故仲景言無汗不得服桂枝。
是閉汗孔也。又曰發汗多。又于冒心。心悸欲得按者。用桂枝。

甘草湯是亦閉汗乳也。又曰汗家不得重發汗。若桂枝湯發汗是重發汗也。凡桂枝條下言發字當認做出字是汗自然出也。非若麻黃能開腠理而發出汗也。本草出汗二字上文有通血脈一句。豈非三焦衛氣皮毛中藥是爲營血中藥也。如是則出汗二字當認作營衛和自然汗出。非桂開腠理而發出汗也。故後人用桂治虛汗。讀者當逆察其意則可矣。噫。神農作於前。仲景述於後。前聖後聖其揆一矣。不解肌或誤汗病。裏用五苓兩解表裏二法。一法水逆用之多服。暖水汗出愈。一法脈浮小便不利微熱消渴者用之。

五苓散方

猪苓

十八銖
去皮

茯苓

十八銖

澤瀉

一兩
六銖

白朮

十八銖

桂

半兩

右五味爲散。以白飲和服。方寸匕。日三服。服煖水。汗出愈。
一不解肌而誤發大汗。其變逆。有救亡陽漏風二法。

一法真武湯

一法桂枝加附子湯

真武湯方

此本少陰經之神方。并加減法。而太陽上篇先錄之。至
太陽下篇。尤宜緊要。先同錄此。

茯苓

三兩

芍藥

三兩

生薑

三兩
切片

白朮二兩

附子一枚炮去皮破八片

右五味以水八升煮取三升去滓溫服七合日三服

桂枝加附子湯

於桂枝湯內加附子一枚餘依桂枝湯法

不解肌而用燒鍼取汗寒入核起灸核止變一法

桂枝加桂湯更加桂

於桂枝湯方內更加桂枝二兩

中風肌未解不可下宜用桂枝湯解外一法

桂枝湯

方見前

不解肌反誤下邪不服者於前下藥內更加桂枝湯一法

卽桂枝大黃湯之互詞。因上衝陽位。故兩解之也。不上衝者不用此方。

不解肌反誤下。心痞。用溫補藥兩解表裏一法。

桂枝人參湯。卽理中加桂枝而易其名也。

桂枝

四兩
去皮

甘草

四兩
炙

白朮

三兩

人參

三兩

乾薑

三兩

右五味以水九升。先煮四味取五升。內桂枝更煮三升。去滓。溫服一升。日再服。夜一服。

或問大柴胡瀉也。桂枝人參湯補也。何爲皆治下利。心下痞。鞭曰此非裏熱。乃下之早。因作痞。裏虛協熱而利。表又不解。

故與桂枝人參湯和裏解表。若夫傷寒發熱汗出不解。心下痞鞭。嘔吐而不利者。表和而裏病也。以心下痞鞭。故爲實。當大柴胡下之。二者心下痞鞭。雖同。而虛實之症有別。故用藥有攻補之異。

不解肌反誤下。邪入陽明。用藥太陽兩解一法。

葛根黃連黃芩湯方

葛根 半斤

黃連 二兩

黃芩 三兩

甘草 二兩

炙

右四味以水八升。先煮葛根。減二升。內諸藥者。取二升。去滓。分溫再服。

不解肌反誤下。宜辨陽實陰虛。加減桂枝湯一法。

桂枝去芍藥湯

同

下之後脉促胸滿於桂枝湯內去芍藥一味餘依桂枝湯法

去芍藥方中加附子湯方

下之微惡寒於桂枝湯內去芍藥加附子一枚

不解肌反誤下陽邪作喘有用桂枝加行氣藥一法

桂枝加厚朴杏仁湯於桂枝湯方內加厚朴二兩杏仁

五十個遵依桂枝湯法

中風病不解熱結膀胱下血有先表後裏一法

桃仁承氣湯外不解者尚未可攻宜桂枝湯外解已少

腹急結可用

桃仁

五十個
去皮尖

桂枝

二兩

大黃

四兩

芒硝

二兩

甘草

二兩

右五味以水五升煮取二升半去滓內芒硝更上火微沸下
火方食溫服五合日三服當微利
中風病不解熱瘀蓄血明辨脈症用抵當湯二法
一法發狂蓄血重證一法再辨脈證法中之法

抵當湯方

水蛭

三十個
熬

蟅虫

三十個
去翅足熬

大黃

三兩

桃仁

三十個
去皮尖

右四味爲散以水五升煮取三升去滓溫服一升不下再服

中風病下後復汗因虛致冒先汗解後諶下一法遵內經虛者實之之義汗法下法並不出方若論用藥表無過桂枝裡無過大柴五苓矣

中風病表裏已虛餘邪未解辨脈用治迥異初病一法桂枝湯

陽脈微者用此方見前

調胃承氣湯

陰脈微者用此方見後

中風病嘔利痞滿表解可攻與攻胃實迥異一法

十棗湯方

尚書卷
後四之三

芫花蒸

甘遂

大戟

大棗十枚

右三味等分。各別搗為散。以水一升半。先煮大棗肥者十枚。取八合。去滓。內藥末。強人服一錢。七羸人服半錢。溫服。平日服。若下少病不除者。明日更服。加半錢。得快下利後。糜

粥自養。

太陽中風下利。嘔逆表解者。乃可攻之。其大熱。汗出發作。有時頭痛。心下痞。鞭滿。引脇下痛。乾嘔。短氣。汗出不惡寒。此表解未和也。十棗湯主之。藜音蟄

按大棗。純得土之中氣。兼感天之微陽以生。故味甘氣平。又溫氣味俱厚。陽也。入足太陰陽明經。經曰。裏不足者。以甘補。

之。又曰形不足者溫之以氣。甘能補中。溫能益氣。甘溫能補脾胃。故主治安中補脾補中益氣。此方三味皆峻利。故用肥棗十枚。益戎衣一著。大發鉅橋之意。所以題之曰十棗湯。表其用之重也。

按神農本草經云。萹花味苦寒。主傷寒溫瘧。下十二經水。破積聚。大堅癥瘕。蕩滌腸癖。飲食寒熱邪氣。利水道。仲景本方取用。正取此義。後人乃遂改芫花何也。卽曰芫花別錄亦云。能消胸中痰水。五藏五水。然本經云。味辛溫者。與萹花不同。且亦并不云主傷寒溫瘧等症也。權移通用。殊非仲景立方本旨。不可不辨。

仲景傷寒論以薤花治利者取其行水也水去則利止用當
斟酌不可過使須有是症乃用

或問乾嘔脇痛小柴胡十棗湯皆有之一和解一攻伐何也
蓋小柴胡症邪在半表半裏間外有寒熱往來內有乾嘔諸
病所以不可攻下宜和解以散表裏之邪十棗湯證外無寒
熱其人熱熱汗出此表已解也但頭痛心下痞鞭滿引脇下
痛乾嘔短氣者邪熱內蓄而有伏飲是裏未和也與十棗湯
以下熱逐飲有表症而乾嘔脇痛者乃柴胡湯症無表證而
乾嘔脇痛者即十棗湯症也上文所言頭痛者乃飲家有此
症不可以常法拘仲景所以述此者恐後學見其頭痛以爲

表不解不敢用也

或問同是心下有水氣乾嘔咳喘一用小青龍湯主之一用十棗湯主之何也蓋小青龍治未發散表邪使水氣自毛竅而出乃內經所謂開鬼門法也十棗湯驅逐裏邪使水氣自大小便而泄乃內經所謂潔淨府去陳莖法也夫飲有五皆內噉水漿外受濕氣鬱蓄而爲留飲流於膈則爲支飲令人咳喘寒吐沫皆寒流於肺則爲懸飲令人咳唾痛引缺盆流於心下則爲伏飲令人胸滿嘔吐寒熱眩暈流於腸胃則爲痰飲令人腹鳴吐水胸脇支滿或作泄瀉或肥或瘦流於經絡則爲溢飲令人沉重注痛或作水氣跗腫芫花大戟甘遂

之性。逐水洩濕。能直達水飲窠囊隱僻之處。但可徐徐用之。取効甚捷。不可過劑。洩人真元也。陳言三因方以十棗湯藥爲末。用棗肉和丸。以治水氣喘急浮腫之症。蓋善變通者也。昔杜任問孫兆曰。十棗湯究竟治甚病。孫曰。治太陽中風表解裏未和也。杜曰。何以知裏未和。孫曰。頭痛心下痞滿脇下痛。乾嘔汗出。此知裏未和也。杜曰。公但言病症。而所以裏未和之故。要緊處總未言也。孫曰。某嘗於此未決。願聽開諭。杜曰。裏未和者。蓋痰與燥氣壅於中焦。故頭痛乾嘔短氣汗出。是痰隔也。非十棗不治。但此湯不宜輕用。恐損人於倏忽用者。慎之。

大抵痰亦水濕之病耳。蓋痰涎之爲物也。隨氣升降。無處不到。入於心。則迷竅而成癲癩。妄言妄見。入於肺。則塞竅而成咳唾稠粘。喘急皆冷。入於肝。則留伏蓄聚而成脇痛乾嘔寒熱往來。入於經絡。麻皮頭痛。入於筋骨。則頭項胸背脇腰手足牽引隱痛。然治痰須治其本。痰之本。水也。濕也。得氣與火。則凝滯而爲痰。爲飲。爲涎。爲涕。爲癖。故十惠湯逐水去濕。正所以治痰隔耳。

中風病誤下。熱邪內陷而成結胸諸法。

大陷胸湯方

大黃 六兩 去皮

芒硝 一升

甘遂 一錢 爲末

右三味以水六升。先煮大黃取二升。去滓內芒硝。一兩沸內甘遂末。溫服一升。得快利止。後服。結胸兼涉陽明。仍用本湯。

大陷胸丸

結胸似涉柔痙。九成煮湯連滓服。

大陷胸丸方

大黃

半斤
去皮

葶藶

半斤
熬

芒硝

半斤

杏仁

半斤
去皮
熬黑

右四味。搗篩二味。內杏仁芒硝合研如脂。和散。取如彈丸一枚。別搗甘遂末一錢。七白蜜二合。水二升。煮取一升。溫頓服之一宿。乃下。如不下。更服。取下爲効。禁茹藥法。

結胸項强者。胸滿鞭痛。能仰而不能俛也。有汗項強爲柔痙。

此雖有汗其項強乃胸中滿寔而不能儻非是中風瘧急故
曰如柔瘧不能湯液而用丸劑何湯主蕩滌用大陷胸湯以
其從心下至少腹皆鞭痛三焦皆寔故用湯以盪之此惟上
焦滿寔用湯液恐傷中下二焦之陰故用丸以攻之
按瘧音痴惡也當作瘧音徑風強病也

太陽經寒傷營方

○辨傷寒證用麻黃發汗大綱總法

麻黃湯方

麻黃 三兩去節

桂枝 三兩去皮

甘草 一兩炙

杏仁

七十个湯浸去皮尖

右四味以水九升先煮麻黃減二升去上沫內諸藥煮取二升半去滓溫服八合覆取微似汗不須啜粥餘如桂枝法將太陽病頭痛發熱身疼腰痛骨節疼痛惡風無汗而喘麻黃湯主之。

按太陰少陰有身熱而無頭痛蓋二經皆不上頭故也厥陰

有頭痛無身熱若身熱而又頭痛屬太陽經也傷寒頭痛屬
三陽者乃邪氣上攻也太陽專主頭痛陽明少陽亦有之三
陰無頭痛蓋太陰少陰二經至胸而還唯厥陰循喉嚨上人
顏額出額會於顛故亦有頭痛傷寒頭痛太陽經居多頭角
痛屬少陽經頭額痛及身屬陽明經頭頂痛屬厥陰經二足
太陽經起目內眦循頭背腰膈故所過疼痛不利寒邪外束
人身之陽不得宣越故令發熱寒邪在表不能任寒故令惡
寒寒主閉藏故令無汗人身之陽既不得宣越於外則必壅
塞於內故令作喘寒氣剛勁故令脈緊

仲景治傷寒無汗用麻黃有汗用桂枝歷代名醫未有究其

精微嘗釋思之似有一得云津液爲汗汗卽血也在營則爲血在衛則爲汗寒傷營營血內濇不能外通於衛衛氣固閉津液不行故無汗發熱而憎寒夫風傷衛衛氣外泄不能內護於營營氣虛弱津液不固故有汗發熱而惡風然風寒之邪由於皮毛而人皮毛者肺之合也肺主衛氣包羅一身天之象也是證雖屬乎太陽而肺實受邪氣其證時兼面赤拂鬱欬嗽以及痰喘而胸滿者非肺病乎蓋皮毛外閉則邪熱內攻而肺氣贖鬱故用麻黃甘草同桂枝引出營氣之邪達之肌表佐以杏仁泄肺而利氣是則麻黃湯雖太陽發汗重劑實爲發散肺經火鬱之藥也

辨脉浮宜用麻黃湯發汗一法。

辨脉浮數宜用麻黃湯發汗一法。

即脉不緊但浮及浮數俱必用此。

辨傷寒欲傳不傳心悸而煩宜用建中一法。

大陽中篇連大綱止此三法。

變法用桂枝湯加減七法。

小建中湯

桂枝 三兩去皮

芍藥 六兩

生薑 二兩切

膠飴 一升

大棗 十二枚

甘草 二兩炙

右六味以水七升煮取三升去滓內膠飴更上微火消解温。

服一升。日三服。嘔者不可用建中湯。以甜故也。

按山僻絕無醫藥之區。每遇頭痛發熱。用蠻法。山椒炒雞炊飯一飽。津津發汗。豈非得建中意乎。

服麻黃湯得汗後。察脉辨證。有次第不同三法。

一法傷寒發汗解半日許。復煩脉浮者。更可發汗。宜桂枝湯。再按發汗已解。因表疎外邪內襲。可更發汗。宜桂枝湯。

仲景意中蚤已慮其正虛。桂枝解肌誠正法也。昌欲表虛之體。少和人參助正驅邪。免致再襲。三襲留連而至殆耳。畧加人參托出其邪。豈不善乎。粗醫不行微汗。輒至表疎邪入汗而又汗。展轉增變。卒至不救。可爲寒心。

一法發汗已。脉浮數煩渴者。宜表裏兩解。五苓湯方見上篇。
一法汗出而渴。五苓散。不渴者。茯苓甘草湯。

茯苓甘草湯方

茯苓 三兩

桂枝 二兩
去皮

生薑 三兩
切

甘草 一兩

右四味以水四升。煮取二升。分溫三服。

辨脉浮緊浮數。尺脉反遲反微。不可發汗。二法。

再按二條。但論其法。然無藥也。宜用建中湯。生其津液。津液充。則穀氣傳腎而生精血。所以自致表裏俱寔。便自出汗而愈。可見津液精血。人身之至寶也。

服麻黃湯汗後。病不解。有惡寒惡熱。不同治。一法。

芍藥甘草附子湯

惡寒者虛也

芍藥 三兩

甘草 二兩炙

附子 一枚炮去皮切八

已上三味以水五升煮取一升五合去滓分溫服

調胃承氣湯

不惡寒但熱者實也當和胃氣與此方

大黃

四兩去皮
清酒浸

芒硝 半斤

甘草 二兩炙

右三味咬咀以水三升煮取一升去滓內芒硝更上微火煮
令沸少少溫服

服麻黃湯後身痛脈沉遲者宜行補散一法

桂枝加芍藥生薑人參新加湯方

桂枝 三兩去皮

芍藥 四兩

甘草 二兩炙

人參 三兩

生薑 四兩切

大棗 十二枚擘

右六味以水一斗一升微火煮取三升去滓分溫服如桂枝或問經言表邪盛脈浮而緊法當身疼痛宜以汗解之况身疼皆係表邪未盡此又加人參芍藥生薑以益血何也曰表邪盛則身疼血虛則身亦疼其脈浮緊者邪盛也其脈沉微者血虛也盛者損之則安虛者益之則愈仲景凡言發汗後以外無表證內無熱證止餘身疼而已若脈稍浮盛則爲表邪未盡解今言脈沉遲此血虛而致然也故加人參生薑芍

藥以養血。

服麻黃湯後不可誤用桂枝及飲水灌水過多一法。

麻杏甘石湯方

治喘飲水灌水

麻黃

四兩去節杏仁

五十個

甘草

二兩

石膏

半斤碎綿裹

右四味以水七升先煮麻黃減一升去上沫內諸藥煮取二

升去滓溫服一升。

本麻黃湯證誤下表邪未盡氣逆變喘一法。

麻黃杏仁甘草石膏湯

誤下變喘方同前

服麻黃湯後有陽氣暴虛叉手自冒心悸及耳聾無聞一法。

桂枝甘草湯方

桂枝

四兩去皮

甘草

二兩炙

右二味以水三升者取一升去滓頓服

按心下悸及耳聾無聞皆傷氣暴虛仲景止用桂枝甘草二味補虛之義顯明易見如二證大虛又必多人參

服麻黃湯後有陽氣暴虛陰邪上逆臍下悸腹脹滿二法

茯苓甘草桂枝大棗湯方

欲作奔豚預伐其邪

茯苓

半斤

桂枝

四兩去皮

甘草

二兩炙

大棗

十二枚劈

右四味以甘爛一斗先者茯苓減二升內諸藥者取三升去

滓溫服一升日三服作甘爛法取水三斗置大盆內以

杓揚之水上有珠子五六千顆相逐取用之

厚朴生薑甘草半夏人參湯方 汗後腹脹滿

厚朴

半斤去皮

生薑

半斤切

半夏

半斤製

人參 一兩

甘草

二兩炙

右五味以水一斗煮取三升去滓溫服一升日三服
服麻黃湯後不繇誤下津乾飲結胃困變痞一法

生薑瀉心湯方

生薑

四兩切

甘草

三兩炙

人參

三兩

乾薑

一兩

黃芩

三兩

半夏

半斤洗

黃連

一兩

大棗

十二枚劈

右八味以水一斗煮取六升去滓再煎取三升溫服一升日三服
誤下成痞用瀉心湯方次第不同四法

一法誤下後再誤下客熱虛痞用甘草瀉心湯

一法誤下後復發汗惡寒先解表用大黃黃連瀉心湯

一法上用陰氣協熱邪作痞用大黃黃連瀉心湯矣而陰氣

乘陽虛作痞用附子瀉心湯

一法心下滿而不痛者用半夏瀉心湯

甘草瀉心湯方

甘草 四兩

黃芩 三兩

半夏 半升洗

大棗 十一枚

乾姜 二兩

黃連 一兩

右六味以水一斗煮取六升去滓再煎取三升溫服一升日三服病在表而反下之則逆矣下而虛其中氣則表邪乘之而入

虛不任邪。今人謂之挾熱利也。火性急速。穀雖入而未及化。故穀不化。虛陽上迫。故令腹中雷鳴。中虛不能化氣。故令痞。鞭而滿。胃虛客氣上逆。故令乾嘔。心煩不得安。人參甘草大。棗胃虛之聖藥也。半夏乾姜。嘔逆之聖藥也。黃連黃芩。痞熱之聖藥也。

相傳伊尹湯液。原有甘草瀉心湯。治證同上。仲景本此方。而但去人參。可見先哲皆有祖述。不似後人一味臆馳。此云去人參是海云伊尹湯液。此湯七味。今監本無人參。脫之也。此爲定儀。大黃黃連瀉心湯方。

大黃二兩

黃連一兩

右二味以麻沸湯二升漬之。須臾絞去滓。分溫再服。

按結胸之脈沉實。其病謂之實邪。故下之也。急痞氣之脈閉。脈必浮。其病謂之虛邪。故下之也。緩。彼用大黃則煎之。乃取其氣厚。此用大黃則漬之。取其氣味薄也。大黃乃足太陰手足陽明手足厥陰五經血分之藥。凡病在五經之血分者。宜用之。若在氣分。用之是謂誅伐無過矣。故仲景言治心下痞滿。按之軟者。用大黃黃連瀉心湯主之。此正瀉脾胃之濕熱。非瀉心也。病發於陰而反下之。則作痞滿。乃寒傷營血。邪氣乘虛結於上焦。胃之上脘在於心。故曰瀉心。實瀉脾也。素問云。太陰所至爲痞滿。又云。濁氣在上。則生膈脹是矣。病發於

商言卷一 後四卷之三

陽而反下之則成結胸乃熱邪陷入血分亦在上腕分野大陷胸湯丸皆用大黃亦瀉脾胃血分之邪而降其濁氣也若結胸在氣分則只用小陷胸湯痞滿在氣分則用瀉心湯矣

胸音真肉

脹起也

麻沸湯即熟湯一名百沸湯一名太和湯味甘平無毒主

治助陽氣通經絡

附子瀉心湯方

大黃二兩

黃連一兩

黃芩一兩

附子

一枝去皮別煮取汁

右四味上三味以麻沸湯漬之絞去滓內附子汁分溫再服

按心下滿鞭而痛者為實為結胸鞭滿不痛者為虛為痞氣

不滿不痛心煩悶者爲支結

保命集云脾不能行氣於四藏結而不散則爲痞大抵諸痞皆熱也故攻痞之藥皆寒劑其一加附子是以辛熱佐其寒涼欲令開發痞之拂鬱結滯非攻寒也先發汗或下後陽虛故惡寒汗出太陽證云發汗後惡寒者虛也此加附子恐大黃黃連損其陽也非補虛也

半夏瀉心湯方

半夏 半斤 洗 黃芩 三兩 乾薑 三兩 甘草 三兩

人參 三兩 黃連 一兩 大棗 十二枚 劈

右七味以水一斗煮取六升去滓再煎取三升溫服一升日三服

按至於下後邪氣傳裏亦有陰陽之異若下後陽邪傳裏者則結於胸中爲結胸以胸中爲陽受氣之分與大陷胸湯以下其結陰邪傳裏者則留於心下爲痞以心下爲陰受氣之分與半夏瀉心湯以通其痞

服瀉心湯痞不解煩渴小便不利用五苓兩解表裏一法

上第九條五苓湯方兩解表裏於此更治痞滿

服瀉心湯復誤下利不止宜治下焦一法

赤石脂禹餘糧湯方

赤石脂一斤碎

禹餘糧一斤碎

以上二味以水六升煮取二升去滓分三服

下之利不止者下之虛其裏邪熱乘其虛故利虛而不能禁固故不止更無中焦之症故曰病在下焦澁可以固脫故用赤石脂重可以鎮固故用禹餘糧然惟病在下焦者可以用若病在中焦而誤以虛者則二物之氣益壞於中氣實者固而澁之則邪無自而泄必增腹脹且痛矣慎之慎之再按難經曰中焦者在胃中脘主腐熟水穀下焦者當膀胱上口主分別清濁主出而不納以傳道也靈樞曰水穀者常居於胃中成糟粕而居下於小腸而成下焦滲而居下濟泌別汁循下焦而滲入膀胱焉然則利在下焦者膀胱不滲而大腸滑脫也禹餘糧甘乎消痞蠲而鎮定其藏府赤石脂甘

溫固陽虛而收其滑脫也。若膀胱不滲，水穀不分，更當導小便，令分清之，使府司各行其事，始無餘治而愈也。

汗吐下解後，餘邪挾飲作痞，用旋復代赭石湯一法。

旋復代赭石湯方

赭音者赤色

旋復花 三兩 人參 二兩

生薑 五兩 切 代赭石 一

兩

半夏 半斤 洗 甘草 三兩 炙 大棗 十二枚 劈

右七味以水煮取六升，去滓再煎，取三升，溫服一升，日三服。汗吐下而解，則中氣必虛，虛則濁氣不降而上逆，故作痞。鞭逆氣上于於心，心不受邪，故噫氣不除。內經宣明五氣篇曰：五氣所病，心爲噫，是也。旋復之鹹能軟痞，鞭而下氣，代赭之

重能鎮心君而止噫。芩夏之辛。所以散逆。參甘大棗之甘。所以補虛。或曰汗吐下虛。肺金失令。肝氣乘脾而作上逆。逆氣於心。心病爲噫。此乃用代赭石。所以鎮心。亦所以平肝也。亦是究理之論。

醫用此方。治反胃。多痰氣逆并噦者。愈千人矣。

傷寒下早亦成結胸症四法

一法辨大結胸。用大陷胸湯。

熱實脈沉緊。心下痛。按之不韌。水飲結在胸脇。王大陷胸湯。原

一法辨小結胸。用小陷胸湯。

正在心下。按之則痛。脈浮微滑。發熱微惡寒。頭疼微嘔。心下支

結用柴胡桂枝湯原文

一法辨熱結裏與結胸異治

一法辨邪熱在表心下支結但治其表

小陷胸湯方

黃連 一兩

半夏 半升洗

枳實 一枚大者

右三味以水六升先煮枳實去滓入諸藥煮取二升去滓分溫三服

大陷胸湯方 水飲結在胸脇仍用此方方見前

柴胡桂枝湯方 不宜大小陷胸之法用此方

柴胡 四兩 黃芩 二兩 人參 兩半 桂枝 兩半 甘草 一兩

半夏二合 生姜兩半 芍藥兩半 大棗六枚 劈

右九味用水七升煮取三升去滓分溫服。

辨傷寒太陽兼少陽連上共五法。

小柴胡湯方

柴胡半斤

黃芩三兩

半夏半斤 洗

人參三兩

甘草三兩

生姜三兩 切

大棗十二枚 劈

右七味以水一斗二升煮取六升去滓再煎取三升溫服一

升日三服。

傷寒四五日身熱惡風頭項強脇下滿手足溫而渴者小柴胡

湯主之。原文

傷寒五六日。中風往來胸脇苦滿。默默不欲飲食。心煩喜嘔。或胸中煩而不嘔。或渴。或腹中痛。或脇下痞鞭。或心下悸。小便不利。或不渴。身有微熱。或咳者。小柴胡湯主之。原文 後加減法

若胸中煩滿不嘔。去半夏加栝蒌實一枚。

若渴者。去半夏加人參合前成四兩半。栝蒌根四兩。

若腹中痛。去黃芩加茯苓四兩。

若不渴外有微熱者。去人參加桂枝三兩。溫覆取微汗愈。

若欬者。去大棗。生姜加五味子半升。乾姜二兩。

經曰。傷寒中風。有柴胡症。但見一證。便是。不必悉具。邪在表。則寒邪在裏。則熱。今邪在半表半裏之間。未有定處。是以寒

熱往來也。邪在表則心腹不滿，邪在裏則心腹脹滿。今止言胸脇苦滿，知邪氣在表裏也。經曰：陽入之陰則靜，然默者邪方自表之裏，在表裏之間也。能食不能食，煩不煩，嘔不嘔，皆然。邪初入裏，未有定處，則所處不一，故有或爲之事。柴胡證但見一證便是，不必悉具。正指此或爲之證也。

傷寒陽脈溢，陰脈弦，法當腹中急痛者，先與小建中湯。不差者，與小柴胡湯。主之。原文

小建中湯方 方見前

服小建中湯不差者，蓋少陽屬木，其脈弦，木盛則土受剋，故溢而急痛也。故伐木以救土也。

柴胡桂枝乾姜湯方

柴胡 半斤

桂枝

三兩去支

乾姜

三兩

黃芩

三兩

括麥根

四兩

牡蠣

三兩熬

甘草

一兩炙

右七味以水一斗二升煮取六升去滓再煎取三升溫服一升日三服初服微煩後服汗出便愈

按已發汗而復下之雖不失先發後攻之序及當汗而反下之宜然既汗之邪當自散若不待其全解後內實而復下之是猶傷於旱也烏得不結然已發汗則邪勢已衰雖或失之下早故結亦當微也

傷寒五六日已發汗而復下之胸脇滿微結小便不利渴而不

嘔但頭汗出。往來寒熱。心煩者。此爲未解也。柴胡桂枝乾姜湯主之。原文

大陽病十日以去。脉浮細而嗜卧者。外解已也。設胸滿脇痛者。以小柴胡湯。脉浮者用麻黃湯。原文

脉微細而嗜卧者。大邪已退。血氣乍虛。而支體倦怠也。胸滿脇痛。則少陽未除。故與小柴胡以和之。脉但浮。則邪還表。故與麻黃以發之。

柴胡加龍骨牡蠣湯方

柴胡 四兩

半夏 三合

洗龍骨 一兩半

人參 一兩半

茯苓 一兩半

鉛丹 一兩半

桂枝 一兩半

去皮

大黃 二兩

牡蠣

一兩半

生薑

一兩半切

大棗

六枚劈

右十一味以水八升煮取四升內大黃切如碁子更煮一二

沸去滓溫服一升

辨下後胸滿煩驚身重困篤用此湯原文自明

病久脉代結心動悸宜補胃生津兼散邪用炙甘草湯一法

炙甘草湯方

甘草

四兩炙

生薑

三兩切

桂枝

三兩去皮

麥門冬

半斤

麻子仁

半斤

大棗

十二枚劈

人參

二兩

生地黃

一斤

阿膠

二兩

右九味以清酒七升水八升先煮前藥八味取三升去滓內

膠洋消盡溫服一升。日三服。一名復脈湯。
讓下。下利不止。身疼痛。宜先救裏。後救表。一法。
先救裏用四逆湯。

四逆湯方

甘草二兩炙

乾姜一兩半

附子一枚

右三味。咬咀。以水三升。煮取一升二合。去滓。分溫再服。強人。
用大附子一枚。乾姜三兩。

服後身疼痛。便清。自調者。急救表。用桂枝湯。方見上篇。

辨誤下引邪內入。用梔子湯。取吐三法。

病人舊微溏者。不可服。

一法下後煩滿不安用梔子厚朴湯

梔子厚朴湯方

梔子十四枚劈厚朴四兩姜炙枳實四兩湯浸去穢炒

已上三味以水三升半煮取一升半去滓分三服溫進一服得吐止後服

一法誤用丸藥大下身熱微煩用梔子乾姜

梔子乾姜湯方

梔子十四枚劈

乾姜二兩

右二味以水三升半煮取一升半去滓分二服溫進一服得吐止後服

一法大下後身熱心下結痛用梔子豉湯。

梔子豉湯方

梔子十四枚劈

香豉四合

右二味以水四升先煮梔子得二升半內豉煮取一升半去滓分爲二服溫進一服得吐止後服。

又本方二法。

發汗若下煩熱胸中窒者用此方。原文

發汗吐下後虛煩不眠反覆頭倒憊懣者用此方。原文

又加味二法。

若少氣梔子甘草豉湯於前方內加倍甘草。

若嘔者。梔子生薑豉湯。於前方內加倍生薑甘草。

辨下後復發汗之脈證。晝夜靜躁一法。

乾姜附子湯方

晝日煩躁。夜而安靜。脈沉微。身無大熱者。

乾姜一兩

附子一枚。生用。破八片。

右二味。以水三升。煮取一升。去滓頓服。

按用姜附二味。偏於辛熱者。恢復重虛之陽。而求以協和於偏勝之陰也。

辨吐下後復汗。身為振搖動惕。久成痿廢二法。

茯苓桂枝白朮甘草湯方

茯苓 四兩

桂枝 皮 二兩 去白朮 二兩

甘草 二兩 炙

右四味以水六升煮取三升去滓分溫服

辨傷寒熱厥小便反利爲蓄血用抵當丸一法

抵當丸方 上篇用抵當湯

水蛭 二十个 熬

蟪虫 二十五个 熬去翅

桃仁 二十个 去皮尖

大黃 二兩

右四味杵爲四丸以水一升煮一九取七合服時當自

下血若不下更服

辨傷寒風濕相搏身體煩疼脉證二法

桂枝附子湯方

桂枝 四兩 去皮

附子 二枚 炮去皮破八片

生姜 三兩 切

甘草三兩多 大棗十二枚劈

右五味以水六升煮取三升去滓分溫三服

去桂枝加白朮湯方 大便鞭小便利者用此

於桂枝附子湯方內去桂枝加白朮三兩餘依前法

甘草附子湯方

甘草二兩多 附子二兩炮去皮 白朮二兩 桂枝四兩去皮

右四味以水六升煮取三升去滓溫服一升日三服初服得

微汗則解能食汗出復煩者服五合恐一升多者宜服六七合爲妙

按上條頂傷寒此條頂中風無疑本文痛不可近汗出短氣

小便不利惡風不欲去衣或身微腫語皆是中風可見風寒

與溫相搏。冬月若此。而風與溫濕熱濕相搏。夏月反若彼。王叔和云。傷寒所致太陽症。濕暍三種。宜應別論。以爲與傷寒相似。故此見之。果何說耶。太陽經證。瘧暍居先。傷寒證居後。駭眩無定。乃後代咸爲取宗焉。傷寒書誠疑而難讀之矣。辨傷寒發黃。有寒濕相傳三法。

麻黃連翹赤小豆湯方

麻黃二兩

赤小豆一升

杏仁四十枚

連翹二兩連翹根也

大棗十二枚

生姜二兩

甘草一兩

炙甘草白皮

已上八味。以潦水一斗。先煮麻黃。再沸。去上沫。內諸藥。煮取

三升。分溫三服。半日則盡。

尚論後
後四卷之三
於血在裏身必發黃用前方原文

茵陳蒿湯方

茵陳蒿六兩

梔子十四枚劈

大黃三兩

右三味以水一斗先煮茵陳減六升內二味煮取三升去滓
分溫三服小便當利若尿如皂角汁狀色正赤一宿腹減黃
從小便去也

身黃如橘子色小便不利腹微滿者用前方原文

梔子柏皮湯方

梔子十五枚劈

甘草一兩炙

黃蘗一兩

右三味以水四升煮至一升半分溫三服

身發熱者用前方。

按熱已發出於外。則與瘧熱不同。正當隨熱勢而散其黃。俾不留於肌表也。前條熱瘧。故用麻黃。此條發熱。反不用麻黃。正所謂寒濕中求之不盡。泥傷寒之定法矣。此隸太陽中篇。惟仲景乃識其旨。所謂者何。蓋四條已發於瘧。濕。瘧三種。瘧熱。寒黃之先。凡近豈能窺乎。至於總入陽明發黃。尤爲膚膚淺矣。

附越婢湯方。

麻黃

六兩

石膏

二兩

甘草

二兩

太陽傷寒方終

太陽經風傷衛寒傷營方

大青龍湯風寒兩傷大綱總法

大青龍湯方

麻黃

六兩
去節

桂枝

二兩
去皮

甘草

二兩
炙

杏仁

四十枚
去皮尖

生姜

三兩
切

大棗

十二枚
擘

石膏

如雞子大綿裹碎

右七味以水九升。先煮麻黃減二升。去上沫。內諸藥。煮取三升。去滓。溫服一升。取微似汗。汗出多者。溫粉撲之。一服汗者。停後服。汗多亡陽。遂虛。惡風煩燥。不得眠也。

服青龍湯。厥逆筋惕肉瞤。此為逆也。用真武湯救之。仲景原文

真武湯方

茯苓二兩

芍藥三兩

生薑一兩

白朮二兩

附子一枚炮去皮破八片

右五味以水八升煮取三升去滓溫服七合日三服口此乃少陰經之方先錄於此

按成註謂不久厥吐利無少陰裏症大謬無少陰證者但欲寐尚不止少陰疑似况敢言不久厥吐利等耶

麻黃味甘溫桂枝味辛熱寒則傷營必以甘緩之風則傷衛必以辛散之此風寒兩傷營衛俱病故以甘辛相合而爲發表之劑甘草味甘平杏仁味甘苦苦甘爲助佐麻黃以發表大棗味甘溫生姜味辛溫辛甘相合佐桂枝以解肌石膏味

甘微寒。而使石膏爲重劑。而又專達肌表者也。

大青龍湯發汗之重劑。非桂枝所同用之稍逆。則又有亡陽之失。若脈微弱。汗出惡風者。不可服。服之則厥逆筋惕肉瞤。此爲逆也。

傷寒發熱惡寒煩燥。身心無忤者。發汗則愈。譬若亢熱已極。一雨而涼。其理可見也。若見其燥熱。投以寒涼。其害可勝言。中風脈浮緊。傷寒脈浮緩。仲景以青龍對之。證候與脈相對。無不應手而愈。

風傷衛。衛氣也。寒傷營。營血也。營行脈中。衛行脈外。寒邪居脈中。非特營受病。邪自內作。則營與衛氣犯之。久則浸淫入

骨亦自有淺深也。

太陽中風脉浮緊發熱惡寒身疼痛不汗出而煩躁者大青龍湯主之。原文

傷寒脉浮緩身不疼但重乍有輕時無少陰證者前湯發之。大青龍湯仲景治傷寒發熱惡寒煩躁者則用之。夫傷寒邪氣在表不得汗出其人煩躁不安身心無如之奈何如脉浮緊或浮數者急用此湯發汗則愈若不浮緊而數無惡寒身疼者亦不可用所以脉證不明者多不敢用也。

仲景治傷寒一則桂枝二則麻黃三則青龍。桂枝治中風脉黃治傷寒青龍治中風見寒脉傷寒見風脉三者如鼎立人

皆能言之而不曉前人處方用藥之意故醫遂多不用昌謂
脉緩而浮者中風也故黃耆惡風漸漸惡寒翁翁發熱仲景
以桂枝對之脉浮緊而濇者傷寒也故頭痛發熱身疼腰痛
骨節疼痛惡寒無汗而喘仲景以麻黃對之至於中風脉浮
緊傷寒脉浮緩仲景皆以青龍對之昌爲究之風傷衛則風
邪于陽陽氣不固發越而爲汗是以自汗是表虛故仲景用
桂枝以發其邪芍藥以和其血蓋中風則病在脉之外其病
稍輕雖同曰發汗寔解肌之藥耳所以仲景於桂枝症云令
半身熱熱微似有汗不可如水淋漓病必不除可知中風不
可大發汗汗過則反動營血邪氣乘虛襲之故病不除也寒

傷營則寒邪入陰血而營行脈中者也。寒邪居脈中，非特營受病，邪自內作，則併與衛氣犯之。久則浸淫入骨，是以汗不出而熱齒齟而煩冤。仲景以麻黃發其汗，又以桂枝助其發散，欲滌除內外之邪，營衛之病耳。大抵二藥皆發汗，以桂枝發其衛之邪，麻黃開營衛之病，治自有淺深也。何以驗之？觀仲景第十九症云：病當自汗出者，此為營氣和；營氣和者，外不諧，以衛氣不共營氣和諧故也。以營行脈中，衛行脈外，後發其汗，營衛和則愈。宜桂枝湯。又四十七症云：發熱汗出，此為營弱衛強，故使汗出。欲救邪風者，宜桂枝湯。是知中風汗出者，營和而衛不和。又第一卷云：脈浮而緊，浮則為風，緊則

爲寒風則傷衛。寒則傷營。俱病者卽煩疼。當發其汗。是知傷寒浮緊者。營衛俱病也。此麻黃湯中并用桂枝。此仲景之言也。至於青龍。雖治傷風見寒脈。傷寒見風脈之病。然仲景又云。陽微惡風者。不可服。服之厥逆。便有筋惕肉瞤之症。故青龍一症。尤難用藥。須是形症諦當。然後可行。

熱盛而煩。手足自溫。脈浮而緊。此傷風寒脈也。不煩少熱。四肢微結。脈浮而緩。此傷寒見風脈也。二者爲營衛俱病。法宜大青龍湯。

小青龍湯方

麻黃去節

桂枝

芍藥酒洗

細辛

甘草炙

乾姜各三兩

半夏半升

五味半斤

傷寒表不解。心下有水氣。乾嘔發熱而咳。或渴。或利。或噎。或小
便不利。小腹滿而喘者。小青龍湯主之。原文

傷寒心下有水氣。咳而微喘。發熱不渴。服已渴者。此寒去欲解
也。小青龍湯主之。原文 噎音調。食塞氣不通也。

或問小青龍與小柴胡症。皆嘔而發汗。表裏虛實大槩彷彿。
何故二方用藥之不同。曰。夫傷寒表不解。裏熱未甚。而渴欲
飲。不能多。不當與之。以腹中熱尚少。而不能消水。飲停蓄。故
作消症。然水寒作病。非溫熱之劑。不能解。故用小青龍發汗。
散水原其理。初無裏症。因水寒以致然也。若小柴胡湯。則係

傷寒發熱之邪傳裏在於半表半裏之間。熱氣內攻。故生諸症。是二症。雖曰表裏俱病。然其中之寒熱則大不同。故用藥有姜桂柴芩之異也。

乾姜附子湯方

乾姜

附子

下之後。復發汗。煩躁不得眠者。乾姜附子湯主之。原文

此當與梔子豉湯症參看。蓋下後煩不得眠一也。而用藥有寒熱不同。乃爾。

服姜附湯有二法。一法當熱服。手少陰心也。水包火。熱服以接心火。身表寒盛。外火少也。寒從外生。熱從內消。譬如凍死。

寒在外也。一法當寒服。足少陰腎也。寒邪入水。令冷服。以類
腎水。身表微熱。內水多也。熱從外生。寒從內消。譬如飲冷寒
在內也。

麻黃杏仁甘草石膏湯方 方見前

發汗後。汗出而喘。無大熱者。麻黃杏仁甘草石膏湯主之。 原文

予觀仲景常言發汗後。乃表邪悉解。止餘一症而已。故言更
不可行桂枝湯。今汗出而喘。無大熱。乃上焦餘邪未解。當用
此方以散之。夫桂枝加厚朴杏仁湯。乃桂枝症悉具。而加喘
者用之。註言汗出而喘。以爲邪氣擁甚。非桂枝所能發散。此
誤也。况身無大熱。更無證。何故復言表邪必盛。其後章下後

不可更行桂枝湯條下。註曰：汗下雖殊，其不當損正氣則一。其言有至理存焉。可見汗後所註之誤矣。大抵當時因事發機，前後失於照應，故有此等之弊也。

桂枝甘草湯方

桂枝

甘草

大棗

發汗過多，其人必手自冒心，心下悸，欲按者，桂枝甘草湯。

主之原文

悸，心動也。怔怔忪忪，不能自安也。有氣虛而悸，陽氣內弱，心下空虛也。有停水飲而悸，汗為心液，汗去心虛，如魚離水也。故悸與驚不同。

茯苓甘草大棗湯方

茯苓

桂枝

甘草

大棗

發汗後其人臍下悸者欲作奔豚茯苓甘草大棗湯主之原文

厚朴生姜半夏人參湯方

厚朴

生姜

半夏

甘草

人參

汗後腹脹滿者前湯主之原文自明

或問太陽篇中發汗後諸症不言太陽病固所當然亦合列於傷寒之右何故止言發汗後腹脹者厚朴半夏甘草人參湯主之曰凡言發汗後者以外無表症裏無別邪止有腹痛一事而已除此之外即獲全安夫傷寒二字豈可易言哉其傳變吉凶猶反掌耳可與所餘一症而並例哉其諸汗後不殊此意

尚言卷
芍藥甘草附子湯方

芍藥

甘草

附子

發汗後不解。反惡寒者。虛故也。芍藥甘草附子湯主之。原文自

四逆湯方

方見前

發汗若下之。病仍不解。煩躁者。茯苓四逆湯主之。原文

五苓散方

方見前

太陽病發汗後。大汗出。胃中乾。煩躁不得眠。欲得飲水者。少少與飲之。令胃氣和則愈。若脈浮小便不利。微熱消渴者。以五苓散主之。原文下同

水道為熱所蔽。故令小便不利。小便不利。則不能運化津液。

故合渴水無當於五味故用淡以治水茯苓猪苓澤瀉白朮
雖有或潤或燥之殊然其爲淡則一也故均足以利水桂性
辛熱辛熱則能化氣內經曰膀胱者州都之官津液藏焉氣
化則能出矣此用桂之意也濁陰既出下竅則清陽自出上
竅又熱隨溺而泄則渴不治可以自除雖然小便不利亦有
因汗下之後內亡津液而致者不可強與五苓散利之強利
之則重亡津液益虧其陰故曰大下之後復發汗小便不利
者亡津液故也勿治之得小便利必自愈師又曰太陽隨經
之邪直達膀胱小便不利其人如狂者此太陽之邪不傳他
經自入其府也五苓散主之是傳陽邪由溺而泄耳

發汗見脈浮數煩渴者五苓散主之。原文

按太陽標病傳入標之本發渴溺不利以此散導之邪自膀胱而出也若未渴妄用五苓散反引邪氣入裏而不能解也故易老云卽太陽經之下藥也若傷寒太陽脈緊而渴者不宜用此。

中風發熱六七日不解而煩有表裏症欲飲水水入則吐者名曰水逆五苓散主之。原文

本以下之故心下痞與瀉心湯痞不解其人渴而口燥煩小便不利者五苓散主之。原文

太陽病寸緩關浮尺弱其人發熱汗出復惡寒不嘔但心下痞

痞者。此以醫下之也。如其不下者。病人不惡寒而渴者。此轉屬陽明也。小便數者。大便必鞭。不更衣十日無所苦也。渴欲飲水。少少與之。但以法救之。宜五苓散。原文

或問上條云。小便數者。大便必鞭。卽爲攻之。今言十日不更衣。而不用攻伐。何耶。自此非結熱。乃津液不足。雖十日不更衣。亦無所苦也。經曰。陽明病。本自汗出。醫更重發汗。病已瘥。尚微煩。不了了者。此大便必鞭。故也以亡津液。胃中乾燥。故令大便鞭。當問其小便日几行。本小便日三四行。今日再行。卽知大便不久出。爲小便數少。以津液足。胃中故知不久大便也。夫不便者。若有潮熱譫語。可下之。症者。然後可以攻之。

其不大便而無諸下症者。此津液不足。須當自審慎。勿以日數久而輒爲攻下也。

五苓散爲太陽裏之下藥也。太陽高則汗發之。下則引而竭之。渴者邪入太陽裏也。當下之。使從膀胱出也。

腎燥膀胱熱。小便不利。此藥主之。小便利者。不宜用。然太陽病熱而渴。小便雖利。亦宜五苓散主之。

當服不服。則生何症。答曰。當服不服。則穀消水去。必致陽明燥火鬱胃發黃。故有調胃湯症。此太陽入本失下也。由不會服五苓散故也。

不當服服之。則生何症。答曰。不當服而服之。是爲犯本。小便

強利。津液重亡。侵陽之極。則侵陰而成血症也。輕則桃仁承氣湯。重則抵當湯。故五苓散調和陰陽者也。乃太陽陽明之間。故爲調和之劑。酒毒小便赤澀。宜五苓散。但熱在中焦。未入太陽之本。小便自利而清。乃津液已行者。若與五苓散利之。則重涸腎水。不惟重涸腎水。而酒毒之熱亦不能去。以故上下不通。而溺瀦。則爲發黃症也。若入血室。則爲蓄血。用五苓散以瀉濕熱。

太陽症傷寒。自外人。其標本有二說。以主言之。膀胱爲本。經絡爲標。以邪言之。先得者爲本。後得者爲標。此乃客邪之標本也。治當從客之標本。

又小腸火爲本。膀胱水爲標。乃寒毒之氣。從標入本。邪與手經相合。而下至膀胱。五苓主之。以方內桂枝。陽中之陽。茯苓陽中之陰。相引而下於本。導出邪氣。

丙火

手經

自上之下

壬水

足經

小腸

丁之耳目

膀胱

火邪之氣。從下之上。以內爲本。水中有火。火爲客氣。當再責其本。兩腎相通。又在下部。責在下焦。下焦如瀆。相火明也。生地黃黃蘗主之。邪從本受。下焦火邪。遣於小腸。是熱在下焦。填塞不便。自內而之外也。葢生地黃柏黃連。乃陰中之陽。爲裏之表藥。若五苓之桂枝。澤瀉猪苓茯苓。乃陽中之陰。爲表

治酒病宜發汗。若止以五苓利小便，炎焰不肯下行，故曰火
鬱則發之。辛溫則散之，是從其火體也。乃知利小便濕去熱
不去，動大便尤爲踈遠。大便者有形質之物，酒者無形水也。
從發而汗之，最爲之近，以使濕熱俱去，蓋治以辛溫發其火
也，佐以苦寒除其濕也。

茯苓甘草湯方

茯苓

桂枝二兩

甘草一兩

生姜一兩

傷寒汗出而渴者，五苓散主之。不渴者，茯苓甘草湯主之。原文
傷寒厥而心下悸者，宜先治水，當服茯苓甘草湯，却治其厥，不爾

水漬入胃必作利也。

金匱要畧曰：水停心下，甚者則悸厥，雖寒勝，然以心下悸爲水飲內甚，先與此湯治其水，而後治其厥。若先治厥，則水飲浸漬入胃，必作下利。

凡治悸，其法或鎮固，或化散之。惟飲之爲悸，甚於他邪也。雖有餘邪，必先治悸。何者？以水停下，無所不入，侵於肺爲喘嗽，傳於胃爲噦噎，溢於皮膚爲腫潰，於腸間爲利。其厥之病甚重，猶先治水，況病之淺者乎？

白虎湯方

石膏一斤

知母六兩

甘草二兩

粳米六合

傷寒脉浮滑。此表有實。裏有寒。白虎湯主之。原文

按前篇云。熱詣在表。表裏俱熱者。白虎湯主之。又曰。其表不解。不可與白虎湯。此云脉浮滑。表有實。裏有寒者。必表裏字訛耳。又少陰一證云。裏寒外熱。通脉四逆湯主之。又陽明一證。脉浮遲。表虛裏寒。四逆湯主之。以此相參。其訛益明矣。又陽明篇曰。脉浮而疾者。小承氣湯。既用承氣湯。是裏熱也。又厥陰篇曰。脉滑而厥者。裏有熱。白虎湯主之。是謂滑爲裏熱也。糊况知母石膏。豈應以水濟水。成氏隨文釋之。謬也。

傷寒脉滑而厥者。裏有熱也。白虎湯主之。厥陰原文

粳米。本草諸家其言益脾胃。如何白虎湯用之入肺。以其陽

明爲胃之經。色爲西方之白。故入肺也。然治陽明之經。卽在胃也。色白味甘寒。人手太陽^法又少陰症。桃花湯用此甘以補其氣。竹葉石膏用此甘以補不足。東垣云身以前胃之經也。胸胃肺之室也。邪在陽明。肺受火制。故用辛寒以清肺。所以號爲白虎湯也。

活人云。謂白虎湯治中暍汗後一解表藥耳。非正傷寒藥也。而夏日陰氣在內。白虎尤宜戒之。夫白虎湯具載仲景之書。證治昭然明白。何爲非正傷寒之藥也。况傷寒論言無表症者可與白虎湯。今云汗後一解表藥耳。於法旣無表症。何解之有。又曰。夏月陰氣在內。白虎尤宜戒之。而明理論又云立

秋後不可服秋則陰氣半矣。白虎大寒。若不能禁服之。而爲
噦逆。不能食。或虛羸者有矣。夫傷寒之法。有是證。則投是藥。
安可拘於時。而爲治哉。假如秋冬之間。患傷寒。身無表症。而
大煩渴。於法合用白虎湯。苟拘其時。何以措手。若以白虎爲
大寒。其承氣又何宜於冬月耶。旣以夏宜。戒秋不可行。然則
宜乎何時也。雖然。經云。必先歲氣。無伐天和。此言常也。假如
賊邪變出。陰陽寒暑。亦當舍時而從症。豈可以時令拘哉。
三陽合病。腹滿身重。難以轉側。口不仁。而面垢。讖語遺尿。發汗
則讖語下之。則額上生汗。手足逆冷。自汗出者。白虎湯主之。婢
垣云。入足陽明。手太陽。味苦寒潤。治有汗骨蒸。腎經氣勞。瀉

心仲景用此治不得眠者煩躁也煩者肺也躁者腎也以石膏爲君主佐以知母之苦寒以清腎之源緩以甘草粳米之甘而遂不速下也經云胸中有寒者瓜蒂散吐之又云表熱裏寒者白虎湯主之瓜蒂知母味皆苦寒而治胸中寒及裏寒何也答曰成無已註云卽傷寒寒邪之毒爲熱病也讀者要逆識之如論語言亂臣十人書曰惟以亂臣其能亂而四方亂皆治也乃治寒者故云亂民亂四方也仲景所言寒之一字舉其初而言之熱病在其中矣若以寒爲寒冷之寒無復苦寒之劑兼言白虎證脈尺寸俱長則熱可知矣

白虎加人參湯五法

藥卽湯見

許云有人初病嘔吐。俄爲醫者下之。已七八日。而內外發熱。予診之曰。當用白虎加人參湯。或曰。旣吐復下。且重虛矣。白虎何用乎。予曰。仲景云。若吐下後。七八日不解。熱結在裏。表裏俱熱者。白虎加人參湯。正相當也。蓋嘔吐者。熱留胃脘。而致令虛火上逆。三投湯而愈。仲景旣云。若吐若下後。七八日不解。表裏俱熱者。白虎加人參湯主之。又云。傷寒。脈浮發熱。無汗。其表不解。不可與白虎。又云。脈浮滑。此以表有熱。裏有寒。白虎加人參湯主之。國朝林億校正。謂仲景於此。表裏皆自差矣。予謂不然。大抵白虎能除傷寒中暍。表裏俱熱。故前後

白論卷
後四之三
二症或云表裏俱熱或云表熱裏寒皆可服之一種脈浮無汗其表不解全是麻黃與葛根症安可行白虎也林億見所稱表裏不同便謂之差是亦不思之過也

張云用藥有遲速之弊故設法以閑防法有閑防不盡者則著方以拯治也便如上二條前條乃仲景設法以閑防也後條乃傷寒病若吐若下後七八日不解熱結在裏表裏俱熱時時惡風大渴口舌乾燥而煩飲水數升者以白虎加人參湯主之此二條乃著方以拯治也夫白虎湯專治大煩大渴古人設法之意惟恐表症未罷而輒用之治有大速之弊若皆徵惡寒及時時惡風二症其中煩渴已甚非白虎不能過

也。必候表邪俱盡。未免有太遲之愆也。此乃法之闕防不盡者。故著方以極治也。苟不著方。必然違法。此方法之妙。所以不可偏廢也。或問白虎湯。仲景以表不解者不可與。又時時惡風。背上惡寒者。此有表也。以白虎湯。主之何也。蓋石膏辛涼。解足陽明本經熱。蒸蒸發熱。潮熱。表裏皆熱。舌燥煩渴之聖藥也。且時時者。時或惡風而不常也。背上惡者。但覺微惡而不甚也。所以於盛熱燥渴而用。則無疑矣。若夫表症惡寒常在背上。惡寒而加燥渴者。切不可用也。又太陽經發熱而渴。無汗者。不可與之。但汗後脈洪大而渴者。則可與之。如少陰傷寒。面赤煩躁。身熱與夫胃虛惡心。大便不實。脈弱食少。

無大熱者。切不可用也。如誤用之。則傾危可立而待矣。

後四卷之三終